

金上甄商代金文漢書卷之五

卷之四

全後周文目錄

文帝

孝閔帝

明帝

已上卷一

武帝

宣帝

已上卷二卷三

宇文護

宇文憲

宇文達

宇文邕

宇文繹

已上卷四

于謹

楊忠

王晞

王悅

李遠

樂遜

黎季明

已上卷五

韋叟

韋孝寬

韓褒

柳慶

長孫紹遠

盧辨

申徽

薛端

唐瑾

李昶

小名郡

李充信

已上卷六

王褒

已上卷七

庾信

已上卷八至卷十八

蕭撝

劉璠

柳霞

尉遲迥

王賓生

穆提婆

馬顯

阿史那瓌

王明廣

已上卷十九

甄鸞

已上卷二十

列女

王妙暉

優婆夷

闕名

詔

奏

移

檄

銘

碑

墓誌

已上卷二十一

釋氏

釋慧命

釋慧曉

釋曇積

釋亡名

釋慧善

釋僧勔

釋宗猷

釋法上

釋道安

衛元嵩

任道林

釋靜藹

大凡全後周文六十一人
大凡全後周文二十四卷

已上卷二十三

已上卷二十四

左丞領司馬加散騎常侍
中驍騎大將軍開府儀同
善懷射關西大行憲孝武西遷加授大將軍
合遼封略陽郡公拜駙馬都尉文帝即位進督中外諸軍事改
封安定郡公錄尚書事進封國大將軍授太師廢帝即位召家
宰總百揆恭帝三年爲太師大將軍薨諡曰文公孝閔受禪追
諡文王順號太祖武成元年追尊爲高祖皇帝

全後周文卷一

烏程嚴可均校輯

文帝

帝姓宇文氏諱泰字黑獺代郡武川人初從葛榮榮敗從爾朱榮爲統軍孝莊反正封寧都子遷鎮遠將軍步兵校尉從賀拔岳入關遷征西將軍加直閣將軍行原州事太昌中爲大行臺左丞領司馬加散騎常侍進武衛將軍夏州刺史永熙中進侍中驃騎大將軍開府儀同三司關西大都督封略陽縣公兼尚書僕射關西大行臺孝武西遷加授大將軍雍州刺史兼尚書令進封略陽郡公拜駙馬都尉文帝卽位進督中外諸軍事改封安定郡公錄尚書事進柱國大將軍授太師廢帝卽位曰冢宰總百揆恭帝三年爲太師大冢宰薨諡曰文公孝閔受禪追尊爲文王廟號太祖武成元年追尊爲文皇帝

案申徽傳云文皇帝臨夏州已微

爲記室參軍兼主簿每事信委之乃爲大行臺郎中時軍國草創幕府務殷四方書檄皆徽之辭也然則上魏孝武四表責侯莫陳悅書傳檄方鎮皆宜編入申徽文其大統初書翰乃蘇綽盧柔李昶唐瑾作未可分別今編爲文帝文案北史李彪傳云詔冊文筆皆昶所作

賜李遠書

昔李將軍廣親有此事公今復爾可謂世載其德雖熊渠之名不

能獨擅其美

周書李遠傳

荅李遠

公勳德兼美朝廷欽屬選眾而舉何足爲辭且孤之于公義等骨肉豈容于官位之間便致退讓深乖所望也

周書李遠傳

與長孫儉書

近行路傳公呂部內縣令有罪遂自杖三十用肅羣下吾昔聞王臣謇謇匪躬之故蓋謂憂公忘私知無不爲而已未有如公刻身罰己已訓羣僚者也聞之嘉歎

周書長孫儉傳又北史末云聞之嘉歎良久不可言庾信撰折拔儉

碑云大丞相書云此之美事耳日
之所未經歎尚無極故遣專使

又書

本圖江陵由公畫計今果如所言智者見未萌何其妙也但吳民

離散事藉招懷南服重鎮非公不可

周書長孫儉傳

賜鄭孝穆書

知卿莅職近畿畱心治術凋敝之俗禮教興行厭亂之民襁負而

周書鄭孝穆傳

至昔郭伋政成并部賈琮譽重冀方自古方今彼有慚德

與王思政書

崔宣猷智略明瞻有應變之才若有所疑宜與量其可不猷傳

周書崔猷傳

與唐永書

聞公有二子曰陵曰瑾陵從橫多武略瑾雍容富文雅可竝遣入

朝孤欲委以文武之任

周書唐瑾傳北史唐瑾傳

潼關誓

與爾有眾奉天威誅暴亂惟爾眾士整爾甲兵戒爾戎事無貪財

呂輕敵無暴民呂作威用命則有賞不用命則有戮爾眾士其勉

之周書文帝紀下大統三年率李弼等十二將東伐至潼關乃誓于師

呂僧實為昭玄三藏詔大統中案此假西魏帝詔

師目麗重瞳偏同虞舜背隆偃僂分伯周公德宇純懿軌量難模

可昭玄三藏續高僧傳

詔公卿等議蘇綽贈諡

蘇尚書平生謙退敦尚儉約吾欲全其素志便恐悠悠之徒有所

未達如其厚加贈諡又乖宿昔相知之道進退惟谷孤有疑焉周書

蘇綽傳大統十二年卒太祖痛惜之哀動左右及將葬乃詔公卿等案此非詔書止是告語耳今姑錄入

大統十一年春三月令

古之帝王所呂外建諸侯內立百官者非欲富貴其身而尊榮之

蓋呂天下至廣非一人所能獨治是呂博訪賢才助已為治若其

知賢也則曰禮命之其人聞命之日則慘然曰凡受人之事任人之勞何捨已而從人又自勉曰天生雋士所曰利時彼人主者欲與我爲治安可苟辭于是降心而受命及居官也則晝不甘食夜不甘寢思所曰上匡人主下安百姓不遑恤其私而憂其家故妻子或有飢寒之弊而不顧也于是人主賜之曰俸祿尊之曰軒冕而不曰爲惠也賢臣受之亦不曰爲德也位不虛加祿不妄賜爲人君者誠能曰此道授官爲人臣者誠能曰此情受位則天下之大可不言而治矣昔堯舜之爲君稷契之爲臣用此道也及後世衰微此道遂廢乃曰官職爲私恩爵祿爲榮惠人君之命官也親則授之愛則任之人臣之受位也可曰尊身而潤屋者則迂道而求之損身而利物者則巧言而辭之于是至公之道沒而姦詐之萌生天下不治正爲此矣今聖主中興思去澆僞諸在朝之士當念職事之艱難負闕之招累夙夜兢兢如臨深履薄才堪者則審

已而當之不堪者則收短而避之使天官不妄加王爵不虛受則
涓素之風庶幾可反

周書文
帝紀下

孝閔帝

帝諱覺字陁羅尼文帝第三子魏恭帝三年三月爲安定公世
子四月拜大將軍十月嗣位太師大冢宰十二月封周公受魏
禪明年九月爲宇文護所廢尋遇弑建德元年追諡曰孝閔皇
帝

祠圓丘詔

元年正月壬寅

予本自神農其于二丘宜作厥主始祖獻戾啟土遼海肇有國基
配南北郊文考德符五運受天明命祖于明堂呂配上帝廟爲太

祖

周書孝
閔帝紀

分使巡撫詔

正月戊申

上天有命革魏于周致予一人受茲大號予惟古先聖王罔弗先

大五百二十六
小二十四

于省視風俗已求民瘼然後克治矧予眇眇又當草昧若弗尚于達四聰明四目之訓者其有聞知哉有司宜分命方別之使所在巡撫五教何者不宣時政有何不得無修身潔己才堪佐世之人而不爲上所知冤枉受罰幽辱于下之徒而不爲上所理孝義貞節不爲有司所申鰥寡孤窮不爲有司所恤暨黎庶衣食豐約賦役繁省災厲所興水旱之處竝宜具聞若有年八十已上所在

就加禮餼

周書孝
閔帝紀

封功臣詔

正月乙卯

惟天地草昧建邦已寧今可大啟諸國爲周藩屏

周書孝
閔帝紀

誅趙貴詔

二月丁亥

朕文考昔與羣公洎列將眾官同心戮力共治天下自始及終二十載迭相匡弼上下無怨是已羣公等用升余于大位朕雖不德豈不識此是已朕于羣公同姓者如弟兄異姓者如甥舅冀此

一心平定宇內各令子孫享祀百世而朕不明不能輯睦致使楚公貴不悅于朕與万俟幾通叱奴興王龍仁長孫僧衍等陰相假署圖危社稷事不克行爲開府宇文威等所告及其推究咸伏厥辜興言及此心焉如悔但法者天下之法朕旣爲天下守法安敢以私情廢之書曰善善及後世惡惡止其身其貴通興龍仁罪止一家僧衍止一房餘皆不問惟爾文武咸知時事

周書孝
閔帝紀

振浙州詔

三月壬子

浙州去歲不登厥民饑饉朕用憊焉其當州租輸未畢者悉宐免之兼遣使巡檢有窮餒者竝加振給

周書孝
閔帝紀

降罪詔

八月辛未

朕甫臨大位政教未孚使我民農多陷刑網今秋律已應將行大戮言念羣生責在于朕宜從肆眚與其更新其犯者宜降從流流已下各降一等不在赦限者不從此降

周書孝
閔帝紀

大五百二十七
小四十三

舉賢良詔 八月甲午

帝王之治天下罔弗博求眾才呂乂厥民今二十四軍宜舉賢良
堪治民者軍列九人被舉之人于後不稱厥任者所舉官司皆治

其罪

周書孝
閔帝紀

授階詔 九月庚申

朕聞君臨天下者非由一人時乃上下同心所致今文武之官及
諸軍人不霑爵封者宜各授兩大階

周書孝
閔帝紀

明帝

帝諱毓小名統萬突文帝長子大統中封寧都郡公行華州事
拜宜州刺史恭帝末授大將軍鎮隴右孝閔受禪進柱國轉岐
州刺史呂元年九月奉迎卽天王位其三年八月稱皇帝改元
武成明年四月爲宇文護所毒崩諡曰明皇帝廟號世宗有集

十卷

隋志作
九卷

放還遠配詔

元年十一月丁巳

帝王之道曰寬仁爲大魏政諸有輕犯未至重罪及諸邨民一家有犯乃及數家而被遠配者竝宜放還

周書明帝紀

放免元氏家口詔

十二月甲午

善人之後猶累世獲宥況魏氏曰德讓代終豈容不加隱卹元氏子女自坐趙貴等事曰來所有沒入爲官口者悉宜放免

周書明帝紀

放免抄掠詔

二年二月癸未

王者之宰民也莫不同四海一遠近爲父母而子之一物失所若納于隍賊之境土本同大化往因時難致阻東西遂使疆場之間互相抄掠興言及此良可哀傷自元年曰來有被掠入賊者悉可

放免

周書明帝紀

改稱京兆詔

三月庚申

三十六國九十九姓自魏氏南徙皆稱河南之民今周室旣都關

中宜改稱京兆人

周書明帝紀

三足鳥見大赦詔

二年八月甲子

夫天不愛寶地稱表瑞莫不威鳳巢閣圖龍躍沼豈直日月珠連風雨玉燭是已鉤命決曰王者至孝則出元命苞曰人君至治所有虞帝烝烝來茲異趾周文翼翼翔此靈禽文考至德下覃遺仁爰被遠符千載降斯三足將使三方歸本九州翕定惟此大禮景福在民予安敢攘宗廟之善弗宜大惠可大赦天下文武官晉進二級

御覽九百二十引後周書案今周書明帝紀大禮作大體敢攘作敢讓

造周麻詔

武成元年五月戊子

皇王之迹不一因革之道已殊莫不播八政呂成物兆三元而爲紀是呂容成創定于軒轅羲和欽若于唐世鴻範九疇大弘五法易曰澤中有火革君子已治麻明時故麻之爲義大矣但忽微成象象極則差分積命時時積斯外開闢至于獲麟二百七十六萬

歲暑度推移餘分盈縮南正無聞疇人靡記暑往寒來理乖攸序
敬授民時何其積謬昔漢世巴郡洛下閎善治厯云後八百歲當
有聖人定之自火行至今木德應其運矣朕何讓焉可命有司飭
稽六律仰觀七曜博推古今造我周厯量定呂聞

周書明
帝紀

推究赦前事詔

五月乙卯

比屢有紕發官司赦前事此雖意在疾惡但先王制肆眚之道令
天下自新若又推問自新何由哉如此之徒有司勿爲推究惟庫
廩倉廩與海內所共漢帝有云朕爲天下守財耳若有侵盜公家
財畜錢粟者魏朝之事年月旣遠一不須問自周有天下呂來雖
經赦宥而事跡可知者有司宜卽推窮得實之日但免其罪徵備

如法

周書明
帝紀

霖雨求言詔

六月戊子

昔唐咨四岳殷告六胥覩災興懼咸寅時雍朕撫運應圖作民父

大五百令九
小六十六